



Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ՀԱՅԿԱԿԱՆ ՍՍՌԻ ԿՈՒՆՏՈՒՐԱՅԻ ՄԻՆԻՍՏՐՈՒԹՅԱՆ
ԿԵՆՏՐՈՆԱԿԱՆ ԴԱՍՏԵՆՈՍՍԿԱՆ ԲՅՈՒՐՈ



ԵՐԵՎԱՆ

1955

Օգնություն դասախոսին

Ե
3015

ԿԻՏ
Կ ԵՐԻՆԱԿ

Լ. Ա. ՎԱԳՆԵՐ

ՀՈՎՀԱՆՆԵՍ ԱՅՎԱԶՈՎՍԿԻ

ՇՆՔԵՐՔԻՆԻ Է ԼԵՂՅՍ ՇՆՔ ԽԵՆ
ՀԱՄԱՐ
ՎՐԱՄ

15 հուլիս 1955
Վ. Ա. Վազներ

ՀԱՍՏԱՑՈՒՄ
30.07.55
91
ՀԱՅԿԱԿԱՆ ՍՍՐ
ՏԳՎԱՐՆԵՐ ԴԻՐԵԿՏՈՐ
Վ. Ա. Վազներ

Սույն 1955 թվականին լրանում է մեծ ծովանկարիչ Հ. Կ. Այվազովսկու մահվան հիսունհինգամյակը (մայիսի 2-ին) և Թեոդոսիայում նրա հիմնադրած Պատկերասրահի յոթանասունհինգամյակը (օգոստոսի 1-ին):

Լինելով ռուսական ծովանկարչության խոշորագույն վարպետը, Հ. Կ. Այվազովսկին պատվավոր տեղ է գրավում նաև հայկական արվեստի մեջ: Նա մեծ ծառայություններ է մատուցել հայկական արվեստի զարգացման և ռուս ու հայ ժողովուրդների դարավոր բարեկամական կապերն է՛լ ավելի ամրապնդելու գործում:

Հ. Կ. Այվազովսկին եղբայրական երկու ժողովուրդների՝ ռուսների և հայերի պարծանքն է:

Սույն դասախոսության տեքստի հրատարակումը մեր դասախոսներին կօգնի մեծ արվեստագետ-հայրենասերի կյանքն ու ստեղծագործությունը լայնորեն ժողովրդականացնելու մեր ռեսպուբլիկայի քաղաքների ու գյուղերի աշխատավորների շրջանում:

Հայկ. ՍՍՌ Կուլտուրայի մինիստրության
Կենտրոնական դասախոսական բյուրո

ՀՈՎՀԱՆՆԵՍ ԱՅՎԱԶՈՎՍԿԻ

Թեոդոսիան՝ Ղրիմի ծովափնյա այդ փոքր քաղաքը, անցյալ դարի սկզբին ոչ մի բանով ուշագրավ չէր: Միայն միջնադարյան աշտարակների ավերակներն էին հիշեցնում այն մտալ ժամանակների մասին, երբ այդտեղ իշխում էին ճենովացի, իսկ նրանցից հետո՝ թաթար ու թյուրք նվաճողները, որոնք Կաֆոն, — այդպես էր կոչվում Թեոդոսիան միջին դարերում, — դարձրել էին ստրկավաճառության կենտրոն: 18-րդ դարի վերջում Կաֆուի դժբախտ բնակչությունը, որոնց մեջ քիչ չէին հայերը, Ռուսաստանի շնորհիվ ազատագրվեց: Բազմադարյան տառապանքներից հետո Թեոդոսիան Ռուսական պետության կազմում սկսեց ուշրի գալ: Սակայն այդ փոքր քաղաքը, արչնումենայնիվ, ցարական Ռուսաստանի սովորական մի ծայրամասն էր: Հավանական է, որ Թեոդոսիան այդպես անհայտ էլ մնար, եթե այդտեղ 1817 թվականի օգոստոսի 1-ին (նոր տոմարով) Կոնստանտին Գալվազովսկու հայ ընտանիքում չծնվեր փոքր տղան՝ Հովհաննեսը (Իվանը), հետագայի մեծ ծովանկարիչը, որը ծովանկարչության մեջ գերազանցեց բոլոր իրեն նախորդներին ու ժամանակակիցներին:

Նկարչի նախահայրերը, հազարավոր հայ ընտանիքների օրինակով, 18-րդ դարի սկզբին Թյուրքիայից գաղթել են Գալիցիա: Այստեղից էլ գալիս է նրանց ազգանվան լեհական վերջավորությունը¹:

¹ 1842 թվականին նկարիչը գյուրահնչյունություն համար սկսեց ստորագրել Айвазовский:

Նկարչի հայրը արտասովոր ընդունակութիւններէ տեր մարդ էր. նա կատարելապէս տիրապետում էր հայերեն, ռուսերեն, գերմաներեն, լեհերեն, ուկրաիներեն, թյուրքերեն և մի շարք այլ լեզուներէ: 19-րդ դարի սկզբներին նա տեղափոխվում է Թեոդոսիա: Կոնստանտին Գալվազովսկին զբաղվում էր առևտրով և բավականին ունևոր մարդ էր, բայց 1812 թվականի ժանտախտի ժամանակ բոլորովին սնանկանում է: Ընտանիքի աղքատ վիճակն այնպիսի շափեր է ընդունում, որ ապագա նկարչի մայրը ստիպված է լինում աշխատել հարուստների տներում:

Փոքր Հովհաննեսի նկարչական ու երաժշտական հակումները սկսում են հանդես գալ շատ վաղ: Նա ածուխով նկարում է տների պատերին, որովհետև ծնողները շնորհալի երեխայի համար թուղթ ու մատիտ գնելու միջոցներ չունեին: Հենց մանուկ հասակում էլ Ալվազովսկին սովորում է ջութակ նվագել:

Դժվար է կռահել, թե ինչպես կդասավորվեր նկարչի բախտն այն հեռու, դժվարին անցյալում: Լավ հայտնի է, թե քանի՞-քանի տաղանդավոր, չքավոր մարդիկ են կործանվել այն ժամանակ Ռուսաստանում, և ոչ միայն Ռուսաստանում, այլև Արևմուտքի և Արևելքի բոլոր երկրներում:

Թե՛ Ալվազովսկու և թե՛ արվեստի բախտից նրա ընդունակութիւններն աննկատ չեն մնում և 1830 թվականին նա տեղավորվում է Սիմֆերոպոլի գիմնազիայում, իսկ երեք տարի անց՝ Պետերբուրգի Գեղարվեստի ակադեմիայում: Նա այն ժամանակ 16 տարեկան էր: Ալվազովսկին Պետերբուրգ է մեկնում նիկոլաևյան ռեակցիայի տարիներին: Դեկարիստների նկատմամբ դատաստան կատարելուց հետո, Ռուսաստանում հաստատվում է դաժան տեղորոշում: Ազատ մտքի ամեն մի դրսևորում դաժանորեն հետապնդվում էր ցարիզմի կողմից: Նիկոլայ Առաջինը երկիրը հեղեղել էր ժանդարմներով: Ժանդարմների շեֆ Բենկենդորֆը ցարին արվելի մոտ էր կանգնած, քան բոլոր մինիստրները, և Նիկոլայ Առաջինից հետո փաստորեն հանդիսանում էր երկրում ամբողջ քաղաքական կյանքի տնօրինողը: Ռուսական գիտությունը, գրականությունն ու արվեստը ռեակցիոն գրաքննության խստագույն վերահսկողության տակ են ընկնում: Նիկոլայ Առաջինն իրեն հայտարարում է Պուշկինի գրաքննիչը: Թագադրված այդ բիրտ գինվորը, քայլամարզության ու հրապարակային գորհհանդեսների մեծ վարպետը, իրեն համարում էր

գրականության ու արվեստի գիտակ: Նա սանձարձակ լիտիությանմբ գրական խորհուրդներ էր տալիս մինչև իսկ իրեն՝ Պուշկինին, միջամտում էր Գլինկայի «Իվան Սուսանին» օպերայի բեմադրությանը:

1829 թվականին Գեղարվեստի ակադեմիան ենթարկվում է անձամբ Նիկոլայ Առաջինին: Այդ բանը հղի էր ծանր հետևանքներով Ակադեմիայի ամբողջ կյանքի համար: Ցարը բիրտ կերպով հարձակվում էր լավագույն պրոֆեսորների վրա, նրանց անձամբ նկատողություններ էր հայտարարում, անձամբ գնահատում էր արվեստի գործերի արժանիքները, վճռում նկարիչների բախտը: Ակադեմիայի շատ պրոֆեսորների Նիկոլայը հեռացնում է Ակադեմիայից, ինչպես օրինակ, Անդրեյ Իվանովին (հռչակավոր նկարիչ Ալեքսանդր Իվանովի հայրը), Եգորովին, Պիմենով-ավագին և շատ ուրիշների: Ռուսաստանի պատմության այդ զարհուրելի ժամանակի մասին Գերցենը գրում է. «Ամեն ինչ մեխված էր հողին: Խոսելը վրտանգավոր էր, դե՛, խոսելու բան էլ չկար»:

Ցարիզմի քայքայիչ ազդեցության ներքո Ակադեմիայի արվեստը սկսում է արագորեն քայքայվել և ավելի ու ավելի հեռանալ կյանքից, իրականությունից: Մակայն ռեակցիային չի հաջողվում խեղդել նոր դեմոկրատական արվեստի սաղմնավորումը: Ռուսական գեղանկարչության մեջ նոր ուղիներ են բաց անում այնպիսի նկարիչներ, ինչպես՝ Սիլվեստր Շչեդրինը, Ալեքսեյ Վենեցիանովը, Կարլ Բրյուլովը և ուրիշներ:

Ալվազովսկու Ակադեմիա ընդունվելու իսկ տարին Բրյուլովն ավարտում է «Պոմպեյի վերջին օրը» իր հայտնի պատկերը, որը խանդավառությամբ է դիմավորվում Ռուսաստանում և Եվրոպայում:

Գերցենն ասել է, որ այդ պատկերը կարող էր ստեղծել միայն ռուս նկարիչը, Նիկոլայի թագավորության տարիներին: «Այդ՝ Պետերբուրգի ռեալիզմն է» — հայտարարել է Գերցենը: Նա ասում էր, որ մեր դարաշրջանի 1-ին դարում Վեդովի այդ զարհուրելի ժայթքումը, որը պատկերված է նկարում, յուրովի առանձնահատկությամբ արտացոլում է Նիկոլայ Առաջինի սարսափելի թագավորությունը՝ Ռուսաստանում:

Այդպիսին էր, արվեստի այդ մեծ երկի իմաստը, նրա սոցիալական նշանակությունը: Բրյուլովի պատկերին բարձր գնահատական են տվել Պուշկինը, Գոգոլը և ռուսական կուլտուրայի մյուս ազանավոր ներկայացուցիչները: Չնայած այն բանին, որ «Պոմպեյի

վերջին օրը» դեռ շատ բանով շարունակում էր ակադեմիական գեղանկարչության տրադիցիաները, այնուամենայնիվ նրա մեջ զգացվում էր ինչ-որ նոր, համարձակ բան: Բրյուլովը առաջինը պատմական կտավում ցույց տվեց ոչ թե «հերոսներին», ոչ թե պատմական անձնավորություններին, այլ ժողովրդին, նրա ողբերգական ճակատագիրը: Թեկուզ միայն դա կարող էր այդ գործի համար ապահովել անմահ փառք: Բայց, բացի այդ, նկարը մինչև այժմ էլ զարմացնում է հուզական ներգործության իր ուժով:

Ակադեմիայում Այվազովսկու ուսուցիչն էր հայտնի պեյզափեսա պրոֆեսոր Մ. Ն. Վորոբյովը: Սակայն նրա գեղարվեստական դարգացմանն ավելի է նպաստել կարլ Բրյուլովի հետ մերձենալը:

Այվազովսկին իր կյանքի ամբողջ ընթացքում դառնում էր Բրյուլովի պատկերի հմայքի տակ: 19-րդ դարի 80-ական թվականներին, արդեն համաշխարհային հռչակ ստացած նկարիչ լինելով, Այվազովսկին, ասես «Պոմպեյի վերջին օրը» պատկերի տպավորության տակ, ստեղծում է համանման սյուժեներով մի շարք գործեր՝ «Վեզովի առաջին ժայթքումը», «Հերկուլանումի և Պոմպեյի կործանումը», «Պոմպեյի կործանումը»:

Բրյուլովն առաջադեմ մարդ էր: Նա մոտ էր Պուշկինին, Գլինկային և ռուսական կուլտուրայի մյուս ականավոր գործիչներին: Այդ նա էր, որ վճռեց Տարաս Շևչենկոյի բախտը. նկարեց բանաստեղծ ժուկովսկու դիմանկարը և վաճառքից ստացված գրամով ձորտային անազատությունից փրկագնեց ուկրաինական բանաստեղծին ու նկարչին:

Այվազովսկու փայլուն տաղանդն անմիջապես գրավեց նրա ուշադրությունը: Բրյուլովն Այվազովսկուն տվեց ոչ միայն հուշակապ վարպետություն ու հիանալի տեխնիկա, այլև նրան մտցրեց Գլինկայի շրջանը, որտեղ լինում էին ժուկովսկին, Կոխլովը և ուրիշ գրողներ, երաժիշտներ, նկարիչներ: Գլինկան բարձր գնահատական է տվել Այվազովսկու նվագին ջութակի վրա և նրա երաժշտական ճաշակին:

Ռուս մեծ կոմպոզիտորն իր «Հիշողություններում» գրել է. «Այվազովսկին... ինձ հաղորդեց երեք եղանակ, հետագայում գրանցից երկուսը ևս օգտագործեցի լեզզինկայի համար, իսկ երրորդը՝

«Ռուսլան և Լյուդմիլա» օպերայի երրորդ ակտում/Ռոսամիրի տեսարանի andante-ի (դանդաղ նվագ) համար:

Ակադեմիայի ցուցահանդեսներում Այվազովսկու ձեռք բերած առաջին նշանակալից հաջողությունները բացատրվում են, իհարկե, նրա շնորհալիությանը, ինչպես նաև նրանով, որ նա յուրացնում էր ժամանակի առաջավոր իդեաները, շփվում էր Ռուսաստանի լավագույն մարդկանց հետ:

Ուշագրավ է հետևյալ փաստը: 1835 թվականին Ակադեմիայի ցուցահանդեսում Այվազովսկին ցուցադրում է իր «Էտյուդ. օդը ծովի վրա» աշխատանքը: Էտյուդն արժանանում է բոլորի ուշադրությանը և Ակադեմիայի խորհուրդը 18-ամյա նկարչին պարգևատրում է արծաթե մեդալով: Սակայն երիտասարդ ծովանկարչի հաջողությունը առաջ է բերում ֆրանսիական ծովանկարիչ Տաննեթի շար նախանձը, որին դրանից քիչ առաջ Պետերբուրգ էր հրավիրել Նիկոլայ Առաջինը: Տաննեթը չէր հաշտվում այն մտքի հետ, որ ռուսական Ակադեմիայի աշակերտն իրեն գերազանցել է, և սկսում է պաշտական շրջաններում ինտրիգներ լարել Այվազովսկու դեմ: Այդ ինտրիգների արդյունքը լինում է այն, որ Նիկոլայ Առաջինը հրամայում է ցուցահանդեսից հանել Այվազովսկու գործը:

Միայն Կոխլովի, ժուկովսկու, Ակադեմիայի պրոֆեսոր Զաուերվելդի եռանդուն միջամտությունն Այվազովսկուն փրկում է ցարի «շնորհադրույթունից», ինչը երիտասարդ նկարչի համար կարող էր ողբերգորեն վերջանալ:

1836 թվականի ցուցահանդեսը Այվազովսկուն բերում է մեծ ուրախություն: Այդ ցուցահանդեսում նա հանդիպում է Պուշկինին, որը, բարձր գնահատելով նրա պատկերները, երկար և սրտանց զրուցում է նրա հետ: Այվազովսկին այդ հանդիպման հիշողությունը վառ է պահում իր ամբողջ կյանքում: Հետագայում նա տաս անգամ պատկերել է Պուշկինին, մեկ անգամ էլ՝ Ռեպինի հետ միասին: Ռուս գեղանկարիչներից ոչ ոք այդքան շատ չի դիմել մեծ բանաստեղծի պայծառ կերպարի պատկերմանը:

Երիտասարդ Այվազովսկու ստեղծագործությունների մասին միայն նկարիչների և գրողների նեղ շրջանում չէ, որ գիտեին: Դրանց մասին սկսում է խոսել Պետերբուրգի մամուլը, մանաթանգ «Художественная газета»-ն:

1837 թվականին գեղանկարչության մեջ ձեռք բերած հաջողու-

Յրոշմաների համար Այվազովսկին պարզեցնելով և առաջին կարգի ոսկե մեդալով: Այդ նրան իրավունք է տալիս Ակադեմիայի հաշվին արտասահման ճանապարհորդել: Բայց դրանից առաջ նա երկու տարով գնում է հայրենի Ղրիմ: Հայրենիքում նա աշխատում է շատ և արդյունավետ:

Այդ ժամանակին է վերաբերում նրա մասնակցությունը Կովկասի ծովափին Սուբաշի գետի հովտում ոռոսական զորքերի դեսանտին: Նրան, որպես նկարչի, դեսանտին մասնակցելու է հրավիրում Պուշկինի բարեկամ, Կովկասյան առաջինյա գծի պետ գեներալ Ն. Ն. Ռաևսկին: Այդտեղ նա ծանոթանում է ոռոս նշանավոր նավատորմավարներ Լազարևի, Կոռնիլովի, Նախիմովի հետ. նրանց միջև հաստատվում են բարեկամական հարաբերություններ: Իր «Ինքնակենսագրություն» մեջ Այվազովսկին նաև հիշատակում է Սուբաշիի ժամանակ գինվորի աստիճանի իջեցված դեկարրիստներ Նարիշկինի, Օդոևսկու, Լորերի հետ ունեցած հանդիպումների մասին: Նրանց հետ ունեցած հանդիպումներից շատ տարիներ անց Այվազովսկին ասել է. «Ես ծանոթացա և մեծ հաճույքով զրուցում էի այդ բարձրակիր մարդկանց հետ»:

Այսպիսով, ավելի քան ակնհերև է, որ Այվազովսկու աշխարհայացքը ձևավորվել է առաջադեմ Ռուսաստանի, նրա դեմոկրատական կուլտուրայի ազդեցության տակ:

1840 թվականին Այվազովսկին գնում է Իտալիա: Այդտեղ նա հաճախակի հանդիպում է Ն. Վ. Գոգոլի և ոռոս մեծ նկարիչ Ալեքսանդր Իվանովի հետ:

Իտալիայում Այվազովսկին ուսումնասիրում է իտալական գեղանկարչությունը և շատ է աշխատում: Երկու տարվա ընթացքում նա նկարում է 40 խոշոր ու բազմաթիվ փոքր գործեր: Նկարիչն ինքնամոռացություն էր նվիրվում ստեղծագործական աշխատանքին: Հետագայում նա ասել է. «Ապրել ինձ համար, նշանակում է աշխատել»: Վիթխարի էր նրա աշխատունակությունը. իր ամբողջ կյանքում նա ստեղծել է ավելի քան 6 հազար պատկեր:

Կարճ ժամանակամիջոցում Այվազովսկին դառնում է ամենահռչակավոր նկարիչն Իտալիայում: Նրա ստեղծագործություններով զմայլվում էին. թերթերը նրա մասին գրում էին խանդավառ հոդվածներ: Ռուս նկարիչ-փորագրող Յ. Իորդանը, որն այն ժամանակ Հռոմում էր ապրում, գրել է. «Իհու նոր հասած լինելով Հռոմ, նա

(Այվազովսկին—Ն. Վ.) նկարեց երկու պատկեր՝ «Անդրորը ծովում» և փոքր շափսի «Փոթորիկը». հետո հանդես եկավ երրորդ պատկերը՝ «Ծովափը»: Այդ երեք պատկերները Այվազովսկուն արժանացրին Հռոմի ու նրա հյուրերի համընդհանուր ճանաչմանը: Նկարիչներից շատերն սկսում են ընդօրինակել Այվազովսկուն: Մինչև նրա ժամանակը Հռոմում ծովանկարչությունը հայտնի չէր, իսկ նրա գալուց հետո յուրաքանչյուր կրպակ զարդարվում էր ծովի «ա-լյա Այվազովսկի» պատկերներով:

Արտասահմանում Այվազովսկու ձեռք բերած հաջողությունների մասին գրում էին ոռոսական լրագրերը: Իսկ ինքը՝ Այվազովսկին հանդես էր բերում ազնիվ համեստություն, այդ գովասանքները վերագրելով ոչ այնքան իրեն, որքան ոռոսական արվեստին:

Ականավոր անգլիական ծովանկարիչ Ջ. Տյորները, որը 1842 թվականին Հռոմ էր այցելել, Այվազովսկու նկարներից այնպես է հուզվում, որ նրան է նվիրում իր լավերեն լեզվով մի բանաստեղծություն. «...Մեծ նկարիչ... քո աշխատանքն ինձ գերեց և ինձ համակեց բերկրանքը,— գրել է Տյորները:— Քո վարպետությունը բարձր է ու հզոր, որովհետև քեզ ոգեշնչում է հանճարը»:

Ոչ միայն Իտալիայում, այլև Եվրոպայի մյուս երկրներում, որտեղ Այվազովսկին ցուցադրում է իր նկարները, նրան ուղեկցում է շտեմնաված հաջողությունը: Հենց նույն Իորդանը գրել է. «Նրա փառքը թնդաց ամբողջ Եվրոպայով մեկ և տաղանդավոր արտիստին բերեց առատ հունձ: Նույնիսկ ինքնավստահ Փարիզն էլ զմայլվում էր նրա պատկերներով...»:

Այվազովսկին այցելում է եվրոպական մի շարք պետություններ և ամենուրեք նրան ողջունում են որպես խոշորագույն ծովանկարիչ: Ամստերդամում՝ ծովային գեղանկարչության հայրենիքում, 27-ամյա Այվազովսկուն շնորհվում է ակադեմիկոսի կոչում: Այվազովսկին, իբրև Պետերբուրգի Գեղարվեստի ակադեմիայի թոշակառու, իր առաջին արտասահմանյան գործուղմանն է մեկնում գեղարվեստի մեջ կատարելագործվելու: Իսկ հայրենիք է վերադառնում որպես ամբողջ Եվրոպայում ճանաչված մեծ ծովանկարիչ:

Այդ տարիներին ձևավորվում է Այվազովսկու ստեղծագործա-

կան մեթոդը, որին նա հարազատ է մնում իր նկարչական դործու-
նեությունն ամբողջ ընթացքում: Այդ մեթոդի առանձնահատկություն-
ներն ամենայն մանրամասնությամբ շարադրել է լր «Ինքնակեն-
սագրություն» մեջ ինքը՝ նկարիչը: Բերում ենք այդտեղից մի քանի
հատվածներ.

«Այն մարդը, որ օժտված չէ կենդանի բնության տպավորու-
թյունը պահպանող հիշողությամբ, կարող է լինել գերազանց ըն-
դօրինակող, կենդանի ֆոտոսպարատ, սակայն իսկական նկարիչ՝
երբևր:

Կենդանի տարերքի շարժումներն անորսալի են վրձինի հա-
մար. կայծակը, քամու թափը, ալիքի ծփանքը չի կարելի նկարել
բնականից, դրա համար էլ նկարիչը պետք է դրանք հիշի...: Իմ
երևակայությունը իրական տպավորությունների զգացումից ավելի
ուժեղ է: Նրանք իմ հիշողության մեջ գրանցվում են ասես ինչ-որ
գաղտնագրի թանաքով, որն ամենայն պարզությամբ ի հայտ է գա-
լիս ժամանակի ընթացքում կամ ոգևորության վառ ճառագայթու-
մից: Իմ գեղարվեստական գործունեության 40 տարիների ընթաց-
քում ես նկարել եմ շատ պատկերներ, որտեղ կենտրոնացված են իմ
կյանքի զանազան ժամանակաշրջանների և զանազան վայրերի հի-
շողությունները կենդանի բնության մասին»:

Նկարչի այս և նման հայտարարությունները լուրջ վիճարանու-
թյուն են առաջացրել նրա ստեղծագործական ժառանգության ու
մեթոդի շուրջը: Շատերը նույնիսկ Այվազովսկուն մեղադրել են
իրականության ուսումնասիրությունը մշտապես անտեսելու մեջ:
Նույնիսկ մեր ժամանակ Այվազովսկու արվեստն ուսումնասիրողնե-
րից ոմանք կրկնում են նույն մեղադրանքները: Միայն պետք է ասի-
սուսալ, որ Այվազովսկու այդ քննադատները չեն հասկացել նրան:
Նկարչի այստեղ մեջ բերված վկայություններից երևում է, որ նա,
ընդհակառակը, մշտապես դիմում է հենց «կենդանի բնության մա-
սին» իր հիշողություններին: Հայտնի է, որ Այվազովսկին դրսում
համարյա երբեք չէր բաժանվում արբուից կամ ծոցատետրից, որոնց
մեջ ճեպանկարներ էր անում ու նյութեր հավաքում ապագա պատ-
կերների համար: Կարևոր է նշել, որ ինքը՝ մեծ ուսուցիչ Ն. Վ. Գո-
գոլը, որի հետ շփվելը Այվազովսկու համար անհետք չի անցել,
խորհուրդ էր տալիս սեփական հիշողությանը դիմել: Նա գրել է.
«...Հավաքել հիշողության մեջ նրանց (այսինքն մարդկանց—Լ. Վ.)
մեջ եղած բոլոր լավագույնը, վերհիշել ավելի լավ, քան ամենա-

մերձավորներիդ, և սիրո ուժով ոգեշնչված՝ ուժ ունենալ պատկերե-
լու»: Այվազովսկու խոստովանությունները չեն հակասում Գոգոլի
սկզբունքին:

1844 թվականին, Պետերբուրգ վերադառնալուց հետո, Այվա-
զովսկուն ընտրում են ակադեմիկոս ու շնորհում Ծովային Գլխա-
վոր շտաբի առաջին գեղանկարչի կոչումը: Երիտասարդ նկարչին
շրջապատում են փառքն ու ճանաչումը, նրան շատ պատվերներ են
տրվում, ազնվականները ձգտում են ծանոթանալ նրա հետ:

Բայց Այվազովսկուն փառքը չի շլացնում և նա ամենից քիչ
կապեր է պահպանում Պետերբուրգի ավագանու հետ, որը ձգտում
էր իր երեկույթներն ու հրավիրովի ճաշկերույթները վարդարել նրա
ներկայությամբ:


Արտասահմանից վերադառնալուց հետո Այվազովսկին ավելի
շատ է մերձենում ռուսական կուլտուրայի առաջավոր ներկայացու-
ցիչների, առանձնապես մեծ քննադատ Վ. Գ. Բելինսկու հետ: Զա-
ռամած հասակում Այվազովսկին վերհիշում է այդ հանդիպումների
ու իրեն վրա ռուս հանճարեղ մտածողի գործած ազդեցության
մասին: «Կիսարիոն Գրիգորևիչ Բելինսկու հետ,— գրել է նա 1889
թվականին,— ես շատ անգամ եմ հանդիպել Պետերբուրգի գրական
խմբակներում, իսկ մեկ անգամ, Ա. Պուշկինի հետ ծանոթանալուցս
մի քանի տարի անց, արտասահմանից վերադառնալուցս հետո,
մեծ քննադատի մահից փոքր-ինչ առաջ, իր հրավերով եղել եմ նրա
մոտ՝ Լիգովակայա փողոցի վրա»: Եվ հենց այդտեղ էլ Այվազովսկին
նշում է այն կարևոր նշանակությունը, որ ունեցան նրա համար
հանդիպումները Բելինսկու հետ, «որը խմբակներում ունեցած մեր
տաք զրույցների ժամանակ ինձ ներշնչում էր այնքան ազնիվ, գե-
ղեցիկ մտքեր»:

Սակայն այդ ի՞նչ մտքեր էին, որ ամբողջ կյանքում մեխավել
էին Այվազովսկու հոգու և գիտակցության մեջ:

Մեծ դեմոկրատ-քննադատը մարտնչում էր արվեստի ժողովրդ-
դականության ու ռեալիզմի համար: Նա անհաշտ պայքար էր մղում
«մաքուր արվեստի» իդեալիստական տեսության դեմ, այն համարե-
լով ժողովրդի համար վնասակար: Այդ ռեալիզմին տեսությունը
ջախջախելով, նա գրել է. «Հասարակական շահերին ծառայելու
իրավունքն արվեստից խլել՝ նշանակում է ոչ թե բարձրացնել այն,
այլ նսեմացնել, որովհետև դա նշանակում է այն զրկել ամենակեն-

դանի ուժից, այսինքն՝ գաղափարից, դարձնել ինչ-որ փափկամու-
լության առարկա, դատարկամուլ ծուլերի խաղալիք»:

Այվազովսկին ծանոթ էր Բելինսկու մերձավորագույն աշա-
կերտների ու ընկերների՝ Ի. Ս. Տուրգենևի, Ն. Ա. Նեկրասովի և ու-
րիշների հետ: Գարաշըջանի ամենաառաջավոր մարդկանց հետ ունե-
ցած այդ մտերմությունը Այվազովսկուն նախապատրաստեց գե-
ղանկարչության այնպիսի հռչակավոր գործ ստեղծելու համար,
ինչպիսին հանդիսացավ «Իններորդ ալիքը»:



Նկ. 1
ԻճԳեռոյ ալիք

Պատկերում վեր են խոյանում ալիքների կատարները: Դեպի
առաջին պլան է սլանում ամենից մեծ, ամենից ահռելի՝ իններորդ
ալիքը: Զուրն ահեղորեն վեր է բարձրանում: Օդը հագեցած է ջրի
փոշիով: Կայմի բեկորների վրա՝ խորտակված նավից փրկված
մարդկանց փոքրիկ ֆիգուրները: Բայց սարսափելի գիշերն անցել է
և հորիզոնից ծագում է արևը: Մովը կախարդական է դառնում:

Զուրը թափանցիկանում, շողողում է ծիածանի՝ որոշոր գույներով:
Լույսն արիություն ու հույսի շիթ է սփռում: Այդ մարդիկ կփրկվեն:
Նկարիչը մարդու կամքը, եռանդը հակադրում է բնության ուժերին:

Նույնիսկ գեղանկարչության մեջ ոչ հմուտ մարդու համար
միանգամայն ակնբախ է նկարչի վերապրած հուզմունքը, նրա եր-
կյուղը նավարեկությունից տուժածների վիճակի համար և նրա ու-
րախությունը՝ այն հավատի գիտակցությունից, որ նրանք հաղթել
են տարերքի դեմ մղած մենամարտում:

«Իններորդ ալիքը» երկի սյուժեի ռոմանտիկական վեհ տրամադ-
րությունը և մարդու ուժերի նկատմամբ ունեցած լավատեսական
հավատը այն անմիջապես դրեցին ռուսական ու համաշխարհային
գեղանկարչության հռչակավոր երկերի շարքը: Պատահական չէ, որ
«Իններորդ ալիքը» դեմոկրատական դիտողի վրա ավելի ուժեղ
ապավորություն էր թողնում, քան Բրյուսովի «Պոմպեյի վերջին օրը»:

Գեղանկարչության մի այդպիսի հումանիստական գործ կարող
էր հանդես գալ այն ժամանակ (պատկերը նկարված է 1850 թվա-
կանին), երբ ռուսական գրականության ու արվեստի մեջ սկսել էր
արթնանալ լայն հետաքրքրություն դեպի հասարակական կյանքը,
դեպի հասարակ մարդու ճակատագիրը:

Արտասահմանից վերադառնալուց որոշ ժամանակ անց Այվա-
զովսկին բնակություն է հաստատում հայրենի Թեոդոսիա քաղա-
քում: Այնտեղ նա 1845 թվականին կառուցում է տուն, որտեղ անց
է կացնում իր կյանքի մեծ մասը:

Թեոդոսիայի իր արվեստանոցում նկարիչը կերտում է հազա-
րավոր ստեղծագործություններ, որոնք այժմ գտնվում են թե՛ Սովե-
տական Միությունում և թե՛ արտասահմանում: Մեծ հետաքրքրու-
թյուն են ներկայացնում հատկապես հերոսական Սևծովյան նավա-
տորմի սխրագործություններին նվիրված գործերը: Ինչպես մենք
արդեն ասել ենք, նկարիչը երիտասարդ հասակում մասնակցել է
Սուբաշիի մոտ տեղի ունեցած ռազմական գործողություններին:
Ղրիմի պատերազմի ժամանակ (1853—1855 թ. թ.) Այվազովսկին
այցելում է պաշարված Սևաստոպոլը: Նավատորմի և նկարչի միջև
բարեկամություն է հաստատվում Այվազովսկու ստեղծագործության
արշալույսին և շարունակվում է նրա ամբողջ կյանքի ընթացքում:
Այդ բանը լավ երևում է նկարչի 73-ամյա հասակում կերտած «Սև-

31770-02



ծովյան նավատորմը Քեոդոսիայում» գործից: Պատկերում նա վերագառնում է դեպի իր մանկական տարիները, հատկապես 1846 թվականը: Այդ թվականին լրանում էր Ալվազովսկու նկարչական գործունեության տասը տարին և տոնակատարության ժամանակ նկարչին մեծարելու համար Քեոդոսիա էին եկել Սևծովյան նավատորմի վեց ռազմանավեր՝ Վ. Ա. Կոռնիլովի գլխավորությամբ:

Ռուսական ռազմա-ծովային նավատորմին նվիրված պատկերներում Ալվազովսկուն ոգեշնչում էին ռուս ծովայինների շտեմնված քաջությունն ու հայրենասիրության բարձր զգացմունքը:

Ալվազովսկու լավագույն մարտանկարչական կտավները կապված են սուլթանական թյուրքիայի դեմ ռուս ժողովրդի մղած հերոսական պայքարի հետ, թյուրքիայի, որն Արևմտյան պետությունների, առաջին հերթին Անգլիայի, թելագրանքով ու օգնությամբ ձգտում էր իրականացնել իր նվաճողական այն պլանները, որոնք ուղղված էին ռուսական նավատորմի հզորությունը խորտակելու, Ռուսաստանի հարավային մարզերը, այդ թվում նաև Դրիմը, նվաճելու նպատակին: Այդ առիթով նկարիչն ասել է. «Մեր զորքերի՝ ցամաքում թե ծովում տարած յուրաքանչյուր հաղթանակ ինձ, որպես հոգով ռուսի, հրձվանք է պատճառում, և որպես նկարչի՝ միտք ներշնչում դրանք պատկերելու կտավի վրա»:

Դրա հետ միաժամանակ Ալվազովսկին, միշտ էլ ծանր վերապրելով թյուրքիայում հալածանքների ու մասսայական բնաջնջման ենթակա հայերի վիճակը, թյուրքականի դեմ ռուսական նավատորմի տարած հաղթությունները պատկերող իր կտավներով կատարում էր իր հայրենասիրական պարտքը նաև իրրե մի հայ, որը սիրում ու օգնում է իր հարազատ ժողովրդին:

Այդ նկարները կերտված են մեծ տեմպերամենտով ու ոգեշնչմամբ: Դրանցից՝ «Չեսմենի ծովամարտը», «Նավարինի ծովամարտը», «Մերկուրի» բրիգադ՝ գրոհի ենթարկված թյուրքական երկու նավերի կողմից» գործերը առանձնահատուկ տեղ են գրավում ոչ միայն Ալվազովսկու ստեղծագործությունների, այլև ամբողջ ռուսական գեղանկարչության մեջ: «Չեսմենի ծովամարտը» պատկերում է ռուսական նավատորմի պայքարը թյուրքականի դեմ՝ Փոքր Ասիայի ափերի մոտ: 1870 թվականի հունիսի 25-ի լույս 26-ի գիշերը ռուսական նավերի մի ջոկատ մտնում է Չեսմենի ծովախորշը, ուր նահանջել էր թյուրքական նավատորմը: Ճակատամարտն սկսում են

ռուսական նավերը և շուտով նրանց միահամուռ հարվածների տակ ծովախորշը ծածկվում է հակառակորդի այրվող նավերով: Թշնամու նավատորմը, որի կազմում կային 15 խոշոր նավ, 6 ֆրեգատ և մինչև 50 մանր նավեր, ոչնչացվում է: Ալվազովսկին իր կտավում պատկերել է հրդեհի պահը:

«Նավարինի ծովամարտը» նշանավոր գործում Ալվազովսկին



Նկ. 2

Նավարինի ծովամարտը

պատկերել է 19-րդ դարի ծովային խոշորագույն ճակատամարտը, որտեղ ոչնչացվեց թյուրքական նավատորմը: Այդ՝ 1827 թվականի հոկտեմբերի 28-ին էր (նոր տոմարով): Ռուսական էսկադրայի գործողություններն ամբողջ աշխարհին ստիպեցին հիանալ՝ այդ մարտում փառքով իրենց պսակած ռուս ծովայինների համարձակությանը, մարտական կայուն ստանաբարտությանը ու արվեստով: «Ազով» ադմիրալական նավը, որի հրամանատարն էր հետագայում հռչակավոր ադմիրալ Լազարևը, միանգամից մարտի է բռնվում թշնամու հինգ նավերի հետ: Չնայած ուժեղ վնասվածքներին, «Ազով»

վրա մարտի ընթացքում ջրասույզ է անում երեք նավ, ծանծաղուտի մեջ է խրում մեկ զծանավ, ինչպես նաև ոչնչացնում թյուրքական ալմիրալական մեկ ֆրեգատ:

«Մերկուրի» բրիգը՝ գրոհի ենթարկված թյուրքական երկու նավերի կողմից» կտավը պատկերում է այն պահը, երբ 1829 թվականի մայիսի 14-ին Բոսֆորի ափերի մոտ «Մերկուրի» փոքր բրիգի հետևից վրա են հասնում հակառակորդի երկու խոշոր նավեր:

Բրիգի անձնակազմը վճռում է բրիգը խփել թշնամու նավերից մեկին, պայթեցնել այն, իրենց էլ զոհել, բայց անձնատուր չլինել: Թյուրքական երկու նավերը դասավորվում են «Մերկուրի» երկու կողմից և անձնատուր լինելու նրանց առաջարկին ի պատասխան բրիգի բոլոր հրանոթներից ու հրացաններից նրանց վրա կրակ են տեղում: Սկսվում է մարտը: Հենց այդ պահին էլ պատկերել է Այվազովսկին:

«Մերկուրին» ամբողջովին ջարդվում է, առագաստները պատառուտվում են, բռնկվում է հրդեհ, նավակողերի ճեղքերից սկսում է թափանցել ջուրը, սակայն ռուս ծովայինները 6 ժամ շարունակում են մարտը: Բրիգից հաջող կրակոցներով թյուրքական նավերից մեկին այնպիսի վնասվածքներ են հասցնում, որ նա ստիպված է լինում ետ մնալ ու անցնել դրեյֆի: Մարտը շարունակվում է և կարճ ժամանակից հետո երկրորդ նավն էլ խփվում ու շարքից հանվում:

Ճակատամարտից հետո «Մերկուրին» բարեհաջող կերպով միանում է ռուսական էսկադրային:

Այվազովսկու ճակատամարտային թեմաներով գործերը հանդիսանում են նկարչի մեծ ներդրումը ռուսական արվեստի մեջ: Հայրենասեր նկարիչը ռուսական գեղանկարչության մեջ առաջինը նպատակ դրեց պատկերել ռուսական նավատորմի պանծալի հաղթությունները, ընդ որում նա իր նպատակն իրականացրեց իրեն հատուկ փայլուն վարպետությամբ ու գեղանկարչական կուլտուրայով:

Բնակություն հաստատելով Թեոդոսիայում, Այվազովսկին չի կտրվում մնացած աշխարհից: Չմեռը նա անց է կացնում Պետերբուրգում կամ ռուսական ու եվրոպական այլ քաղաքներում: Նկարիչը կանգ չի առնում իր ստեղծագործական աճի մեջ, այլ, ընդհակառակը, ավելի է առաջադիմում:

19-րդ դարի երկրորդ կեսի ռուսական արվեստում հաղթանա-

կում է ռեալիստական ուղղությունը: Պերեդվիժնիկներ Կրամսկոյը, Ռեպինը, Սուրիկովը և շատ ուրիշներ իրենց արվեստն ի սպաս են դնում ժողովրդին և այն պրոպագանդում լայն մասսաների մեջ: Այդ նպատակով ռուս առաջադեմ նկարիչները կազմակերպում են «Շրջիկ ցուցահանդեսների ընկերություն», այստեղից էլ նրանց՝ պերեդվիժնիկներ կոչումը: Պերեդվիժնիկների ամենամյա ցուցահանդեսները սովորաբար հանդիսանում էին խոշոր ու հասարակությանը հուզող իրադարձություն: Դա մի հզոր գեմոկրատական շարժում էր ռուսական կերպարվեստում: Ռուս մեծ գրող Սալտիկով-Շչեդրինը պերեդվիժնիկների 1871 թվականի առաջին ցուցահանդեսի առիթով գրել է՝

«Արեմն սրանից հետո ռուսական արվեստի ստեղծագործությունները, որոնք մինչև այժմ պարփակված էին միմիայն Պետերբուրգում՝ Գեղարվեստական Ակադեմիայի շորս պատերի մեջ, կամ թաղված էին անհատ մարդկանց սրահներում ու թանգարաններում, մատչելի կդառնան ռուսական կայսրության առհասարակ բոլոր բնակիչների համար: Արվեստը դադարում է գաղտնիք լինելուց, դադարում է անվանիններին ոչ անվանիններից տարբերելուց...»:

Այվազովսկին, պերեդվիժնիկների հետ կազմակերպորեն կապված չլինելով հանդերձ, ռուս նկարիչներից առաջինն էր, որ սկսեց իր գործերը լայնորեն ցուցադրել ոչ միայն Պետերբուրգում, Մոսկվայում և արտասահմանում, այլև այնպիսի քաղաքներում, ինչպիսիք են Թեոդոսիան, Սիմֆերոպոլը, Խարկովը, Կիևը, Խերսոնը, Օդեսան, Նիկոլաևը և այլն:

Ոչ պակաս կարևոր է այն փաստը, որ ցուցահանդեսների մոտքի վճարից ստացված միջոցները Այվազովսկին սովորաբար հատկացնում էր հասարակական կարիքներին, ինչպես նաև հասարակության աղքատ խավերին պատկանող ուսանող երիտասարդությանն օգնություն ցույց տալու համար:

Այսպիսով, Այվազովսկու ստեղծագործությունները, ճիշտ այնպես, ինչպես և պերեդվիժնիկների ստեղծագործությունները, մատչելի դարձան բազմաթիվ դիտողների համար: Սակայն միայն դրանում չի կայանում Այվազովսկու ընդհանրությունը պերեդվիժնիկների հետ: Նրա խորապես հուզական, հայրենասիրական, կյանքի ճշմարտությանը ծառայող արվեստն ինքնին նրան դնում է ռուս հուշակավոր պրոգրեսիվ նկարիչների շարքը:

Այվազովսկու վազ երկերում երբեմն կարելի է հետապնդել ակադեմիզմի որոշ գծեր, բայց՝ միայն որոշ գծեր: Սակայն հենց այդ երկերում էլ արդեն առկա են առողջ և ետադարյան աշխարհը գագացումն ու զեղարվեստական միջոցների այնպիսի առանձնահատկությունները, որոնք բոլորովին տարբեր են այն ամենից, ինչ մենք տեսնում ենք ակադեմիստների արվեստի մեջ: Խոսքը մասնավորապես վերաբերում է Այվազովսկու աշխատանքների գունային գամմային, որն աչքի է ընկնում իր պայծառությամբ ու ինտենսիվությամբ, ինչպես նաև լուսավորման կոնկրետ աղբյուրի առկայությամբ, մինչդեռ ակադեմիստների աշխատանքներում լույսը գրեթե միշտ ցրված է:

Զարգացնելով իր արվեստի այդ առանձնահատկությունները, Այվազովսկին արդեն 19-րդ դարի 40-ական թվականներին հանդում է զեղարվեստական բոլորովին նոր որակի և նրա ստեղծագործությունը, իր հիմքում առաջվա նման ունենալով և ետադարյան աշխարհը գագացում, ձևեր է բերում վառ արտահայտված ոտմանտիկական ոճեր: Նրա ստեղծագործության հիմնական մոտիվներն են դառնում բնության տարերային ուժերը և մարդու պայքարը տարերքի դեմ: Ընդ սմին երևակայական տարրը, իհարկե, հիմնված ևս ուսումնասիրությունների վրա, ավելանում է, կոլորիտը դառնում է ավելի թանձր ու հագեցած, լույսի և ստվերի կոնտրաստներն ավելի ընդգծված, բայց և ավելի օրգանապես կապված պատկերի ընդհանուր մտահղացման ու նրա գունային միջավայրի հետ: Այվազովսկու ստեղծագործության այդ շրջանի կոլորիտային կետը հանդիսացավ մեր կողմից արդեն հիշատակված «Իններորդ ալիքը»:

Սակայն ևս ետադարյան Այվազովսկու երբեք չդադարող էվոլյուցիան, բնականաբար, պետք է զարգանար նկարչի արվեստի և ետադարյան հիմքերի էլ ավելի լրիվ բացահայտման ուղղությամբ, է՛լ ավելի նպատակահարմար զեղարվեստական ձևերում նրանց մարմնավորման ուղղությամբ:

Եվ ահա 1850—1860 թ. թ. աշխատանքներում մենք կարող ենք նշել մի շարք պեյզաժներ, որոնք Այվազովսկուն ընդհուպ մոտեցնում են իդեական և ետադարյան վարպետներին: Ատտիստոն են, օտինակ, «Չունակների գուժակը», «Ուկրաինական պեյզաժ», Ղրիմի և Հայկական մի շարք ժանրային տեսարաններ ու պեյզաժներ և այլն:

Պերեդվիժնիկների արվեստի հետ անմիջական մոտիվությամբ

մեջ դառնալով այդ երկերում, ինչպես նաև հետագա տարիների ծովանկարներում (որոնք նույնպես խորթ չեն պերեդվիժնիկներին և դրա համար էլ նրանց կողմից հիացմունքով են դիմավորվել), Այվազովսկու և ետադարյան արվեստը մեր առաջ կանգնում է իր ամբողջ հարստությամբ ու ճշմարտացիությամբ: Նրանց մեջ բնությունն ու մարդիկ դիտված ու պատկերված են ավելի ևս անմիջական կերպով, մոլեգնող տարերքը շատ զործերում իր տեղը զիջել է բնության խաղաղ, ամենևին ոչ արտակարգ դրությունը, բոսոր մայրամուտներն ու արշալույսներն ավելի և ավելի հազվադեպ են հանդիպում, սակայն դրա փոխարեն ավելի հաճախ է հանդիպում ծովը օրվա սովորական պահերին: Նոր բովանդակության համապատասխան էլ փոխվում է գունային գամման, ուժեղ կոնտրաստները մեղմանում են, զեղանկարը դառնում է տոներով ավելի զուսպ, հանդես է գալիս օդային հեռանկարը, որն է՛լ ավելի մեծ բնականություն է հաղորդում տարածական լուծումներին:

Այվազովսկու ստեղծել նշանակալից և ետադարյան գործերի թվին են պատկանում «Սև ծովը», «Ալիքների մեջ», ինչպես նաև «Անդորր»-ը, որի մասին մենք կխոսենք առանձին, Հայաստանի Պետական պատկերասրահի նմուշների առնչությամբ: Նկարչը «Սև ծովը» նկարել է արդեն պատկառելի հասակում՝ 1881 թվականին: Այն արժանացել է ամենապահանջկոտ քննադատների հիացմունքին: Պերեդվիժնիկների պարագլուխը՝ հայտնի դիմանկարիչ Ի. Ն. Կրամսկոյը այդ պատկերի առթիվ գրել է. «Պատկերում, բացի երկրնից ու ջրից, ոչինչ չկա, սակայն ջուրը՝ դա օվկիանոսն է անհուն, ոչ փոթորկալից, բայց ծփացող, խիստ անսահման, իսկ երկիրը է՛լ ավելի անսահման: Այդ՝ իմ գիտեցածների մեջ ամենավեհատեսիլ պատկերներից մեկն է...», և այսպե՛ս շատ նկարիչներ «հիացած էին այդ պատկերի իմաստով և վեհաշուք պոեզիայով»:

Այվազովսկին «Ալիքների մեջ» կտավը վրձինել է իր կյանքի 81-ամյա հասակում: Դիտողին այդ պատկերը զարմացնում է իր կատարողական վարպետությամբ և ուրախ, օպտիմիստական տրամադրությամբ: Այդտեղ պատկերված է ծովը, որը փոթորկից հետո դեռ չի հանդարտվել: Երկնքում քուլա-քուլա գալարվող ամպերի միջից դուրս է ցայտել արևի մի ճառագայթ, որը ձեղքել-անցել է վեր խոյացած, սահող ալիքները: Արևի այդ ճառագայթն ամբողջ

պատկերը լցնում է այն լավատես հույսով ու հավատով, որ լույսը հաղթում է ամեն մի մոռույլ և քառասյին տարերքի:

Այսպիսով, մեծ ծովանկարիչը հանդես է գալիս ոչ միայն որպես անզուգական վարպետ, այլև որպես խոշոր մտածող:

Զարգացնելով ռուսական առաջադեմ արվեստի տրագիցիաները, Ալվազովսկին չի սահմանափակվում գեղարվեստական ցուցահանդեսներին իր ցուցաբերած մասնակցությամբ կամ Ռուսաստանի զանազան քաղաքներում ու արտասահմանում իր նկարների անհատական ցուցահանդեսների կազմակերպմամբ:

1880 թվականին Ալվազովսկին Թեոդոսիայում իր տանը կից կառուցում է մի պատկերասրահ, որտեղ պարբերաբար ցուցադրում է իր բոլոր նոր գործերը՝ նախքան ցուցահանդես ուղարկելը: Սրահը բաց էր բոլոր նրանց համար, ովքեր հետաքրքրվում էին մեծ ծովանկարչի երկերով: Այդ հիանալի ցուցահանդեսային դահլիճն էին այցելում ոչ միայն տեղի բնակիչները: Ռուսաստանի զանազան ծայրամասերից այստեղ էին գալիս հարյուրավոր մարդիկ, որպեսզի դիտեն, ինչպես արժանի կերպով կոչում էին Ալվազովսկուն նրա ժամանակակիցները, սիրելի «ծովի երգչի» պատկերները:

Սրահում շարունակ Ալվազովսկու շուրջն էին հավաքվում երիտասարդ նկարիչները՝ նրա աշակերտները, ինչպես նաև տարբեր վայրերից ժամանած արվեստի նշանավոր գործիչներ: Նկարչի կենդանության ժամանակ սրահը ոչ միայն նոր պատկերների ցուցադրման դահլիճ էր կամ նրա բազմաթիվ աշակերտների արվեստանոցը: Այն նաև ծառայում էր թեոդոսիացիների համար որպես թատրոն, ավելի ճիշտ՝ որպես համերգային դահլիճ: Եթե հաշվի առնենք, որ սրահի հիմքը դրվել է անցյալ դարի 80-ական թվականներին մոլեզնոդ ցարական ռեալիստի ժամանակ, երբ Ա. Պ. Չխովի խոսքերով ասած՝ «Վախենում էին բարձր խոսել, նամակներ ուղարկել, միմյանց հետ ծանոթանալ, գրքեր կարդալ, վախենում էին թշվառներին օգնել, գրագիտություն սովորեցնել», ապա՝ Ալվազովսկու կողմից այդ գեղարվեստական հիմնարկի ստեղծման փաստը, որը կոչված էր ծառայելու արվեստի պրոպագանդան և ժողովրդի գեղագիտական դաստիարակության գործին, ինքնրստինքյան մեծ նկարչի համարձակ ու ազնիվ գործերից մեկն էր:

75 տարի սրանից առաջ Թեոդոսիայում ստեղծված Ալվազովսկու պատկերասրահը, որպես ռուսական ու համաշխարհային ար-

վեստի հազվագյուտ դանձարան, այժմ հայտնի է մեր երկրի սահմաններում ու նրանից դուրս գտնվող միլիոնավոր մարդկանց: Ներկայումս այնտեղ պահպանված են Ալվազովսկու 389 և ուրիշ նկարիչների մոտավորապես 1700 գործեր:

Ալվազովսկին հայ ժողովրդի զավակն էր և իր ամբողջ կյանքի ընթացքում նա շեշտել է, որ պատկանում է իր ժողովրդին, ցավակցել է նրա բոլոր տառապանքներին: Որպես նկարիչ և մարդ՝ Ալվազովսկին անում էր ամեն հնարավորը հայ ժողովրդի վիճակը թեթևացնելու համար: Նրան միշտ ուրախացնում ու հուզում էր այն օգնությունը, որ զանազան անձանց կամ կազմակերպությունների կողմից ցույց էր տրվում հայ բնակչությանը: 1858 թվականի հուլիսի 18-ին Նախիջևանում ապրող իր մերձավոր բարեկամին ուղարկած նամակում նա գրում է. «Նս, ինչպես նաև մեր ազգի յուրաքանչյուր անդամ, իմ պարտքն էմ համարում շնորհակալություն հայտնել Ձեզ, մեր թշվառ ժողովրդին այնքան շատ օգուտ մատուցելու վերաբերյալ Ձեր պատրաստակամության համար»¹:

1877—78 թվականների ռուս-թյուրքական պատերազմի ժամանակ Ալվազովսկին նշանակալից նյութական օգնություն է ցույց տալիս գաղթական հայերին: Նա Թեոդոսիայի մոտ գտնվող իր կալվածքում պատսպարում է մի քանի տասնյակ հայ ընտանիք, յուրաքանչյուր ընտանիքի հատկացնելով հողաբաժին:

Մեծ նկարչին ծանր վերապրումներ է պատճառում Թյուրքիայում 1895—96 թվականներին կազմակերպված հայերի կոտորածը: Նա 1896 թ. սեպտեմբերի 8-ին գրում է Թեոդոսիայից Հայաստան՝ «Այո, խորին կսկիծով վշտացած է իմ սիրտն անբախտ հայոց չլսված, շտեմնված կոտորածից»²:

Կայնորեն հայտնի է Ալվազովսկու երկյթը թյուրքերի կիրառած գազանությունների դեմ: Նա նկարել է «Հայերի ջարդը Տրապիզոնում 1895 թվականին», «Թյուրքերը հայերին բարձում են նավը», «Թյուրքերը հայերին թափում են Մարմարի ծովը» պատկերները,

¹ Նամակը պահվում է Հայկ. ՍՍՌ Գիտությունների ակադեմիայի Գրական թանգարանի ֆոնդում:

² Նամակը պահվում է Հայկական ՍՍՌ Պետ. Արխիվում:

որոնք ցուցադրել է Ռուսաստանում և արտասահմանում: Այդ պատկերներն առաջացնում են ուսական ու համաշխարհային հասարակութան բուն անկեղծ թյուրքական արյունարբու ուժի մի դեմ: Մինչև ժամանակ Այվազովսկին իր անձնական միջոցներից նյութական լայն օգնություն է ցույց տալիս թյուրքիայից գաղթած հայերին:

Ռուսաստանում և արտասահմանում հայ հասարակայնությունը հարգանքի և շնորհակալության խորը զգացմունքներ էր տածում դեպի Այվազովսկին, հիանում և պարծենում էր հայրենասեր արվեստագետով:

Հայ ժողովրդի սերը իր հանճարեղ զավակի նկատմամբ առանձնապես լայնորեն դրսևորվեց Այվազովսկու զեղարվեստական գործունեության 50-ամյակի կապակցությամբ կազմակերպված հանդիսավոր մեծարման օրերին: Այդ օրերին (մեծարումը տեղի է ունեցել 1887 թվին) նկարչի անունով ստացվում են բազմաթիվ ուղերձներ ու հեռագրեր ուսական և արտասահմանյան հասարակայնությունից, Պետերբուրգի, Մոսկվայի, Բարվի, Թիֆլիսի, Ռուսաստանի և արտասահմանի բազմաթիվ այլ քաղաքների հայերից:

Գեղարվեստական ակադեմիայում Այվազովսկու մեծարման ժամանակ Պետերբուրգի հայերի պատգամախումբը հորեկարին նվիրաբերում է արծաթե և էմալե նախշերով զարդարված սև փայտից նկարչաձող և արծաթե մասսիվ երանգապանակ, որի վրա պատկերված էր Արարատը:

Նվերները հանձնելիս, նրանք ընթերցել են Պետերբուրգի հայերի ուղերձը, որտեղ ասված էր. «Ի՞նչ միս ու արյուն եք առել հայ ժողովրդից: Ընդունեցե՞ք ձեր պետերբուրգյան հայրենակիցներից, ընդամին արվեստի ձեզ մատուցվող այս պիտույքները, որոնցով դուք պանծացրել եք ձեզ և ձեր ազգը»: Նույն ուղերձում ընդգրծված էր՝ «Ձեր աշխատավորական կյանքի, ձեր հաջողությունների և համաշխարհային փառքի այս ողջ հիսուն տարիների ընթացքում դուք միշտ հանդիսացել եք պարծանքը այն ժողովրդի, որի ծոցից դուք ծնվել եք»:

Մյուս բազմաթիվ ուղերձներում և հասցեներում հայ հասարակայնությունը Այվազովսկուն ցանկանում էր արդյունավոր գոր-

ծունեություն՝ «ի փառս և ի պատիվ Ռուսաստանի և համայն հայություն» (Մոսկվայի հայերի հեռագրից):

Բոլոր այս ջերմ շնորհավորանքները, անտարակույս, խոսում են այն կենդանի և անմիջական կապերի մասին, որոնք գոյություն ունեին Այվազովսկու և հարազատ ժողովրդի միջև:

Այվազովսկին նշանավոր տեղ է գրավում հայկական կուլտուրայի զարգացման ասպարեզում: Լինելով բարձր կուլտուրայի տեր մարդ, որը լավ գիտեր ուսական ու համաշխարհային գրականությունն ու արվեստը, նա լավ գիտեր նաև հայկական կուլտուրան ու ձգտում էր պրոպագանդել նրա նվաճումները: Այն բանում, որ Պետերբուրգի ու Մոսկվայի ուս հասարակայնության կողմից այնքան լավ է ընդունվել հայ մեծ տրագիկ Պետրոս Աղամյանը, իր վաստակն ուներ նաև Այվազովսկին: Նկարիչը հպարտանում ու հիանում էր իր ազգակցի անբասիր տաղանդով և նպաստում նրա ժողովրդականացմանը: Սրտագին, անկեղծ բարեկամությունն էր միմյանց կապում հայ ժողովրդի այդ երկու զավակներին: Ինքը՝ Պետրոս Աղամյանը մեզ թողել է հակիրճ, սակայն խոր զգացմունքներով համակված հիշողություններ Այվազովսկու հետ ունեցած իր հանդիպումների մասին: Աղամյանը, որն զբաղվում էր նաև գեղանկարչությամբ, երիմնագրել է Այվազովսկու դիմանկարը: Այդ դիմանկարը պահվում է Հայկական ՄՍՌ Գիտությունների ակադեմիայի Թատերական թանգարանում: Այնտեղ է պահվում նաև Այվազովսկու լուսանկարը, որ նա նվիրել է Աղամյանին:

Է՛լ ավելի մոտ հարաբերությունների մեջ են եղել Այվազովսկին ու երիտասարդ Սպենդիարյանը: Այվազովսկին ճանաչում էր Սպենդիարյանին նրա դեռ մանուկ հասակից: Այդ մասին կոմպոզիտորը հիշել է իր «Ինքնակենսագրության» մեջ: Ավելի ուշ, երբ Սպենդիարյանն ամուսնանում է Այվազովսկու ազգականուհու՝ Վ. Լ. Մազիրովայի հետ, նկարիչը և կոմպոզիտորը սերտորեն ընկերակցում են և ամառները միմյանցից գրեթե չեն բաժանվում: Սուզակում, Թիոդոսիայից ոչ հեռու, նրանց ամառանոցները կողք-կողքի էին: Այվազովսկու թոռը՝ Կ. Կ. Արցեուլովը իր հուշերում հաղորդում է այն մասին, թե ինչպես երիտասարդ Սպենդիարյանը հաճախ լինում էր Այվազովսկու մոտ՝ Սուզակի ամառանոցում: Նա բերում էր իր ստեղծագործությունները և Այվազովսկու հետ միասին երաժշտու-

թյամբ էին զբաղվում, կոմպոզիտորը՝ դաշնամուրի, իսկ նկարիչը՝ ջութակի վրա:

Սպենդիարյանը Այվազովսկու հետ հանդիպումներ է ունենում ոչ միայն Սուդակում, այլ նաև Թեոդոսիայում ու Պետերբուրգում: Թեոդոսիայում, Այվազովսկու պատկերասրահի բեմում, հաճախ ելույթներ էին ունենում հայտնի երաժիշտներ ու դերասաններ: Դրանց մեջ եղել է նաև Սպենդիարյանը: Այվազովսկու մահից հետո Սպենդիարյանը գրում է «Դրիմի էսքիզներ» սյուիտը, որը նվիրում է Այվազովսկու հիշատակին և առաջին անգամ կատարում նկարչի հայրենի քաղաքում՝ Թեոդեսիայում:

Այվազովսկի-մարդու հմայիչ կերպարն են տպավորել իրենց հուշերում հայ գրող Ղ. Աղայանը, ՀՄՄԻ ժող. արտիստ Ա. Արմենյանը և ուրիշները: Իր բանաստեղծություններում Այվազովսկու պատկերներն է գովերգել հայ խոշորագույն բանաստեղծ Հովհաննես Թումանյանը: Ահա այդ բանաստեղծություններից մեկը, որը կոչվում է «Այվազովսկու նկարի առջև».

Ելած՝ օվկիանի անզուսպ ալիքներ
Ծանր հորձանքով դարկելով դեպ վեր
Լեռնանում էին գոռալով ահեղ
Նվ մրրիկն ուժգին շնչում էր այնտեղ
Անեզր ու անվերջ
Տարածություն մեջ:
«Կանգնեցեք», դռնեց վրձինը ձեռքին
Կախարդ ծերունին հուզված տարերքին.
Ու լուռ, հնազանդ հանձարի ձայնին,
Մութ ալիքները փոթորկի ժամին
Կտավի վրա
Կանգնած են ահա:

(1894 թ.)

Վկայություն կա, որ Հովհաննես Թումանյանը Այվազովսկու մասին նաև գրել է մի հետաքրքիր հոդված:

Այվազովսկին շատ բան է արել հայկական ղեղանկարչության զարգացման և հայկական ու ռուսական արվեստների միջև եղած կապերն ամրապնդելու համար: Հայտնի են Այվազովսկու հայկա-

կան թեմաներով «Արարատ լեռան հովիտը», «Սևանա լիճը», «Հայ ռազմիկի երգումը», «Երիմյան հայրիկն էջմիածնի շրջակայքում», «Հայ ժողովրդի մկրտությունը», «Բայրոնը Մխիթարյանների մոտ» և ուրիշ գործեր: Նրա նկարներից շատերը ստորագրված են հայերեն՝ «Այվազյան»: Այվազովսկու՝ Թեոդոսիայի արվեստանոցում եղած աշակերտների մեջ կային նաև հայեր: Հայտնի ծովանկարիչ է. Մահտեսյանն իր ստեղծագործական աճի խնդրում շատ բանով պարտական է Այվազովսկուն: Այվազովսկին նրա նկատմամբ մըը-



նկ. 5

Ահարս լեռան հովիտը

տական հոգատարություն է հանդես բերել և նրա ձեռք բերած հաջողությունների մասին հաղորդել է Պետերբուրգ՝ Գեղարվեստի ակադեմիա: Մահտեսյանը, ինչպես և նշանավոր նկարիչ Գ. Բաշինջաղյանը Այվազովսկու մասին հիշատակել են իբրև իրենց ուսուցիչ:

Այվազովսկին մեծ հետք է թողել Վ. Սուրենյանցի կյանքում: Սուրենյանցի մանկական տարիներն անցել են Դրիմում: Նա այն ժամանակ արդեն հաճախ էր տեսնում Այվազովսկուն, որը նրա ընտանիքի հետ կապված էր հեռավոր բարեկամական կապերով: Այվազովսկին փոքրիկ նկարչին նվիրել է նրա կյանքում առաջին ներ-

կերը: Վ. Սուրենյանցը հաճախ է հիշատակել այդ մասին, դրա մեջ տեսնելով փառաբանված նկարչի օրհնությունը՝ ստեղծագործական սիրագործության համար: Հետագայում Սուրենյանցը հաճախ է հանդիպում Ալվազովսկու հետ Պետերբուրգում, Մոսկվայում և նրա հետ ավելի ևս մտերմանում: Սուրենյանցն Ալվազովսկուն է նվիրել Պուշկինի «Բախչիսարայի շատրվանը» պոեմի իլյուստրացիաների մինչև այժմ չգերազանցված իր հոյակապ սերիան: Ալվազովսկին Սուրենյանցին հաղորդակից էր դարձնում իր ամենամիտրական խոհերին: Այսպես, արդեն Ալվազովսկու մահից հետո Սուրենյանցը հիշատակում է, որ մեծ ծովանկարիչը երգում էր հիմնել հայ նկարիչների ընկերություն:

Մեծ հետաքրքրություն են ներկայացնում Ալվազովսկու և Վ. Մախոխյանի փոխհարաբերությունները: Մախոխյանը, որն ապրում էր արտասահմանում և ճանաչված էր որպես ահանախոր ծովանկարիչ, մեծ հետաքրքրություն էր ցուցաբերում դեպի ուսական գեղանկարչությունը և գլխավորապես դեպի Ալվազովսկու ստեղծագործությունը: 90-ական թվականներին նա գալիս է Ռուսաստան: Հայտնի է, որ ուսական բնությունը նրան ողբեղնում է՝ «Չմեղը ուսական գլուղում» պատկերի համար: Մախոխյանը Թեոդոսիայում այցելում է Ալվազովսկուն, և պետք է ենթադրել, որ այդ հանդիպումը նրա համար անհետևանք չի անցել:

Բնորոշ է այն հանգամանքը, որ հայ նկարիչների մեջ ծովանկարիչները շատ են: Դրանում անպայման իրենց դերն են խաղացել Ալվազովսկու օրինակն ու համաշխարհային փառքը: Մի շարք դեպքերում նույնց ստեղծագործության մեջ այս կամ այն չափով զգացվում է Ալվազովսկու անմիջական ազդեցությունը: Ի դեպ, այդ ազդեցությունը երևան է գալիս ոչ միայն ծովանկարիչների ստեղծագործություններում:

Ալվազովսկին հայ նկարիչներին օգնում էր ուսական գեղանկարչության փորձը յուրացնելու և ուսա ժողովրդի ու նրա կուլտուրայի հետ իրենց կապերն ամրապնդելու գործում:

Ալվազովսկին մեծ քաղաքացի էր: Նա շատ բան է արել հարազատ քաղաքի տնտեսական ու կուլտուրական զարգացման համար. օժանդակել է Թեոդոսիա երկաթգիծ անցկացնելուն, նավահանգստի և մի ամբողջ շարք հասարակական շենքերի կառուցմանը, իրեն կալվածքից ջրմուղ է տարել քաղաքի համար: Իր պատկերասրահը նա

կտակել է հայրենի քաղաքին: Մինչև այժմ Թեոդոսիացիները հանձիննրա հիշում են ոչ միայն այնպիսի մի նկարչի, որ փառք է բերել հարազատ քաղաքին, այլև այնպիսի հայրենասերի, որը Թեոդոսիայի բարեկարգման համար նյութական շատ միջոցներ և ուժ է հատկացրել:

Ալվազովսկին մեռավ 1900 թվականի մայիս 2-ին, Թեոդոսիայում: Նկարչի հարազատներն ու մերձավորները և երախտագետ համաքաղաքացիները նրա տաղանքարի վրա հայերեն փորագրել են տվել՝ «Մենալ մահկանացու, անմահ զիւրն լիշատակ եթող»: Դրանով իսկ նրանք արտահայտել են մեծ նկարչի և մարդու նկատմամբ ոչ միայն իրենց, այլև բոլոր նրանց տածած զգացմունքները: ուլքեր թեկուզ մեկ անգամ տեսել են նրա հմայիչ կտավները:


Սովետական Թեոդոսիայի բնակիչները Ալվազովսկու մահվանը երեսնամյա տարեկիցի կապակցությամբ նրա տան մոտ 1930 թվականին կանգնեցրին իրենց մեծ համաքաղաքացու հուշարձանը:

Ալվազովսկին անցել է արվեստագետի փայլուն ուղի՝ շրջապատված համաշխարհային փառքով: Նրա ստեղծագործությունները հայտնի են յուրաքանչյուր կրթված մարդու: Նա գեղարվեստի վեց ալիագեմիաների անդամ էր, նրա ինքնանկարը գտնվում է Ֆլորենցիայում՝ Պիտտիի սրահատի այն սրահում, որտեղ գտնվում են աշխարհի հռչակավոր նկարիչների, այդ թվում Օ. Ա. Կիպրենսկու, Ի. Ն. Ռեպինի ու Գ. Ի. Սեմիրազակու դիմանկարները:

Ալվազովսկու աշխատանքները ցրված են ամբողջ աշխարհում մեկ. նրանք կան ՍՍՌՄ-ի դրեթե յուրաքանչյուր գեղարվեստական թանգարանում: Նրա ստեղծագործությունների առավել լրիվ հավաքածուն գտնվում է Թեոդոսիայի՝ Ալվազովսկու անվան տուն-թանգարանում: Այդ թանգարանն ամեն տարի այցելում են տասնյակ հազարավոր մարդիկ Սովետական Միության դանազան քաղաքներից ու արտասահմանյան երկրներից:

Ալվազովսկու շատ ստեղծագործություններ կան ինչպես Սովետական Միության, այնպես էլ արտասահմանյան հայկական գեղարվեստական հավաքածուներում: Այդ գործերի մի մասն իր ժամանակին նկարիչն ընծայաբերել է դանազան անձանց, կուլտուրական կամ այլ հաստատությունների:

¹ Այդ օրը նա գեա աշխատում էր «Նավի պայթյունը» պատկերվրա, որն անավարտ մնաց:



Նկ. 4. Մեղրը.

Այդ բոլոր հավաքածուներից, անշուշտ, ամենից հարուստն ու ամենից արժեքավորը՝ Հայաստանի Պետական պատկերասրահի հավաքածուն է: Մեծ ծավալանկարչի այստեղ ներկայացված գործերի շարքում մենք հանդիպում ենք այնպիսի նշանավոր ստեղծագործությունների, ինչպիսիք են՝ «Անդորր», «Նեապոլի ծովածոցը մառախլապատ առավոտյան», «Հանդարտ ծովը», «Նավաբեկությունից փրկվողները», Թեոդոսիայի տեսարաններ և ուրիշ գործեր:


«Նավաբեկությունից փրկվողները» պատկանում է հեղինակի վաղ շրջանի գործերի թվին: Այն վրձինվել է 1844 թվականին և որոշ չափով էլ նախորդում է «Իններորդ ալիքը» կտավի վրա հեղինակի կատարած աշխատանքին: Արդեն այստեղ առկա են տարերքի դեմ մարդու պայքարի թեման, նրա հավատը հաղթության նկատմամբ, սյուժեի ոռոմանտիկական աշխուժությունը և, վերջապես, այն կոլորիտի սկզբնական տարրերը, որն իր փալլուն և առավել լրիվ արտահայտությունն է ստացել «Իններորդ ալիքը» գործում:

Այվազովսկին հաճախ ու մեծ սիրով էր դիմում Նեապոլի ծովածոցի պատկերմանը: Հայտնի է, որ նրա գործերից հենց «Նեապոլի ծովածոցը լուսնիկա գիշերին» պատկերն իր ժամանակին առաջացրել է անգլիական հռչակավոր ծովանկարիչ Ջ. Տյորների հիացմունքը:

Հայաստանի Պետական պատկերասրահում գտնվող «Նեապոլի ծովածոցը մառախլապատ առավոտյան» պատկերը հեղինակը վրձնել է 1874 թվականին: Այն շահավետ կերպով տարբերվում է նույն թեմայով հեղինակի կերտած մյուս պատկերներից ոչ միայն իր ռեալիստական արտահայտչականությամբ, այլև արտասովոր կատարողական վարպետությամբ:

Սակայն այս հավաքածուի մեջ ամենանշանակալից նմուշը պետք է համարել «Անդորր»-ը՝ իր շափերով պատկերասրահի ամենամոնոմենտալ կտավը: Այդ պատկերը նկարիչն ստեղծել է 1892 թվականին, այսինքն՝ իր ծերություն հասակում, սակայն նրա մեջ բնության իմաստուն հայեցողի խաղաղության հետ միաժամանակ առկա է այնքան շատ թարմություն, երիտասարդական հիացմունք՝ բնության գեղեցկության հանդեպ, այնքան շատ ջերմություն ու հոգեկան նրբություն, որ այդ գործի մեջ հեղինակը մեր առաջ կանգնում է որպես դեռևս երիտասարդ, հոգեկան ուժով լի մի մարդ:

«Անգորր»-ում պատկերված է Միջերկրական ծովափը, խաղաղ, վեհաշուք, անսահման հեռուները ձգվող ծովը, իսկ նրա վրա օդը՝ արևի ջերմությամբ տոգորված: Եվ այս ամենն այնպե՛ս ճշմարտացի, այնպե՛ս սրտարուխ, որ ծովի երկնակաթնագույն հայելու վրա արևի շողշողացող շերտն անգամ խոսում է կենդանի բնության վառ բնկալման ու վերարտադրման մասին: Այստեղ ամեն ինչ նյութական է՝ և՛ ծովափը, և՛ շուրքը, և՛ նույնիսկ լույսով տոգորված օդը: «Անգորր»-ի օրինակով կարելի է մեկ անգամ ևս համոզվել, որ Այվազովսկու հանձարը նույնիսկ նրա ութերորդ տասնամյակում դեռևս դարգանում էր, վարպետությունը կատարելագործվում, և նա իր արվեստի մեջ մնում էր այնպե՛ս երիտասարդ ու խիղախ, ինչպիսին եղել էր իր երիտասարդության օրերին:



Նկ 5

Ն. Կ. Այվազովսկու օրիմր Քեդոսիայում

Հայաստանի Պետական պատկերասրահում քիչ չեն Այվազովսկու գրաֆիկ աշխատանքները: Դրանց մեջ կան առաջնակարգ նշանակություն ունեցող մի շարք նկարներ:

Պատկերասրահի էքսպոնատներից, վերջապես, հարկավոր է նշել Այվազովսկու՝ մեծ հետաքրքրություն ներկայացնող ջրաներկ դիմանկարը, որն Իտալիայում նկարել է Այվազովսկու բարեկամը՝ սուս հայտնի նկարիչ Վ. Ի. Շտեռներգր:

* * *

Սովետական նկարիչների համար Այվազովսկու արվեստը հանդիսանում է ռեալիստական վարպետության մի սքանչելի դպրոց և հայրենիքին անձնվեր ծառայելու կենդանի օրինակ: Սովետական նկարիչները, մեծ ծովանկարչի տրադիցիաները զարգացնելով, սիրով պատկերում են մեր երկրի ծովային տարածությունները, նրանց պաշտպանների հերոսական սխրագործություններն ու առօրյան:

Այվազովսկու նկատմամբ սովետական մարդկանց տածած զգացմունքներն ու սերը լավ և հուզումնալից կերպով է արտահայտել սովետական ականավոր սուս բանաստեղծ Վլադիմիր Լուզովսկույը իր՝ «Այվազովսկու պատկերասրահում» բանաստեղծության մեջ.

Ասյրել է մի տղա,
հասակ առել,
դառել
հայտնի ողջ աշխարհին,

Թողել այն ամենը,
ինչ մեծին է վայել:

Եվ գլխիթին հասնող
փառքը իր հանձարի

Դեպ եզերքն այս
ամայի՝
տուն է բերել:

Մոլորում,

այգաբացին

ծովն է ալեկոծվել:

Եվ իր նավախմբով
Կոռնիլովին

Սեաստոպոլն ահեղ
ճանապարհ է բցել՝

Մալցուտ տալու

հարազատ

ծովի երգչին:

Ալիք, ալիք, ալիք:

Մորիկ:

Փոթորիկներ:

Արեգակի շողեր՝

ջրերը թափանցող:

Կարնան թեթև ծիփանք:

Աշնան մառախուղներ:

Մուխը հին մարտերի:

Լուսնի ցուլքեր թախծոտ:

Մարդկային կամք ըմբոստ

հպարտորեն ընկնող

ալիքների գրկում,

մռայլ ժայռերի մոտ:

Դեռ երեք ժամ առաջ

իր գեղեցիկ մահից

«Նավի պայթյունը»

ձեռքով վարժ

նա պատկերեց:

Եվ մահն էլ հանձարի

մահ շէր սուլորական:

Նա եկավ լուռ,

նավի

առագաստի նման:

Մովն է խաղաղ:

Գարուն:

Ճայն է կտրում օդը

իր թևերով:

Նա դեպի Սև ծովի

հեռուներն է նավում:

Աշխարհ,

մնաս բարո՞վ:

(Թարգմ. Կ. Հ.)

Այվազովսկին մոտիկ և թանկ է մեր երկրի բոլոր ժողովուրդների համար: Մեր հայրենիքում տարեց-տարի աճում է հետաքրքրությունը դեպի մեծ նկարչի խորապես հայրենասիրական արվեստը: Սովետական ժողովուրդը հպարտանում է Հ. Կ. Այվազովսկու անունով, մի արվեստագետի, որն իր անմահ ստեղծագործություններով հարստացրել է հայրենական և համաշխարհային արվեստը:



2001

2013

2013

013

Քարգժ.Ս. ԲԱԲՍՅԱՆ
 Խմբագիր՝ Վ. ՀԱՐՈՒԹՅՈՒՆՅԱՆ
 Տեխ. խմբագիր՝ Կ. ԲԱՂԴԱՍՍԱՐՅԱՆ
 Կոնսրոլ սրբագրիչ՝ Կ. ՊԵՏՐՈՍՅԱՆ

ՎՋ 11910

Պ. 408

Տիրաժ 2000

Հանձնված է արտադրության 1955 թ. մայիսի 7-ին:

Ստորագրված է տպագրության 1955 թ. հունիսի 30-ին:

Տպագրական 2¹/₂ մամուլ: Հրատարակչական 2,1 մամուլ:

Հայկական ՍՍՌ Պետական հեռակա մանկավարժական ինստիտուտի տպարան
 Երևան, Տեղյան փ. № 127

018

ՀԱՅԿԱՍՏԱՆԻ ԳՐԱԴԱՐԱՆ
ԵՎ ԳՐԱԳՐԱԿԱՆ ԿԵՆՏՐՈՆ
ԵՐԵՎԱՆ

018

ՀՀ Ազգային գրադարան



NL0683690

ԱՆՎՃԱՐ

154.